



MARYMA

Ramhlun North YMA Chanchinbu

"YMA thuvawn: YMA chu tanpui ngaite tanpuitu"



YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan

Vol. 44

Issue No. 11

Ramhlun North: Ni 14 March, 2026



BRANCH THU THAR

■ March thla Khawhar In hruaitu ture:

- Leader : Pu C. Lalremruatfela
Asst Leader : Pu H Lalremruata
OB Incharge : Pu Thandingliana
1. Pu R. Lalrinmawia
2. Tv. Lalawmpuia
3. Pu C. Lalremruata
4. Pu Lalrampana
5. Ni. Elizabeth Lalnuntluangi
6. Ni. Lalrinfeli

■ Central YMA leh Cricket Association of Mizoram tangdun in Inter Branch YMA Cricket Tournament a buatsaih turah Branch YMA chuan Ramhlun North Cricket Club nena tang dunin ruahmanaa siam a, incharge atan Pu Laldingliana Sailo, Branch President chu ruat a ni.

Kan Branch aiawha tel duh/tumte chu tun Pathianni tlai dar 3:00 ah YMA Committee Room-ah kalkhawm tur a ni.

■ March ni 9, 2026 (Thawhtanni) a Chapchar Kût Tlan-ah kan branch atangin heng mite hi an tel:

1. Pu Laldingliana Sailo
2. Pu Biakchungnunga
3. Pu Rorelliana
4. Pu Lalneihhlua
5. Pu Lalhriatpuia
6. Pu H Rodingliana
7. Pu Lalremsanga Hnamte
8. Pu Ronald Zothansanga
9. Tv. Lalawmpuia, T-Sec.
10. Tv. Vanlalnunpuia, T-Sec.



SECTION THU THAR

■ **Vanapa Section:** Pu Tlanliana te chhung, V-Sec. chuan an fapa Tv Malsawmdawngliana (Fam), hriatreng nan ₹ 10,000/- V-Sec. YMA te a tul ang ang hman turin a pe a, Section hruaituten lawmthu an sawi.

■ **Library duty turte:**

1. RD Vanlalhmangaihzei, N-Sec.
2. Ruth Biakchungnungi, T-Sec.
3. Lalnunpuii Hmar, T-Sec.
4. Lalremruatfeli Pulamte, K-Sec.
5. Zodinpuui Zote, T-Sec.
6. Lalmawizuali, S-Sec.

KUMPUN HAWNNA NEIH A NI

(Ruihhlo zuarte sum leh pai hi i it lo ngam ang u - CYMA President)

Ramhlun North, the 14th March, 2026: Ni 10.2.2026 (Thawhlehi) zan dar 8:30 khan Ramhlun North Branch YMA chuan Ramhlun Indoor Stadium ah Kumpuan Hawnna hun an hmang a, Pu R. Lalnggheta, President Central YMA chuan Kumpuan hawnna hun hi a hmang.

Inkhawm hi Pu Lalrochama, Vice President, Ramhlun North Branch/Kumpuan Chairman in a kaihruai a, Pu Lalhriatpuia, BECM (Kumpuan Secretary) in hunserh a hmang. Branch Secretary, Pu Biakchungnunga hnen atangin Branch report tawi ngaihtlak a ni bawk.

Kumpuan hawngtu CYMA President, Pu R. Lalnggheta chuan, "YMA hi Pathianin kan ram tan min pe a, kan hnam dinchhuahna leh he hnam tan hian kawng hrang hrang atan a lo tangkai em em a, YMA hi a Kristian a, a Pathian thu hle a ni tih i hria ang u" a ti. Tin, "YMA chuan Mizo Hmeichhia ten hnamdang pasal an nei hi tha kan ti lo a, kan hnam kan la tlem a, kan hmeichhia ten hnamdang fa an hrin sak fo hi a paw kan ti a, Mizo hmeichhia ten mahni hnampui ngei hi nei se tih hi hnamdang neih chungchanga YMA dinna a ni reng dawn a ni" a ti bawk.

Ruihhlo do chungchang ah, "Ruihhlo Do Kumpuan hi kan lo nei fo tawh a, a sawt hle in kan hria. Tun hnai ah kumpuan ah ruihhlo do kan han hmang lo rei deuh a, YMA chuan kan hrut tel pah reng tho na in kan ram ah ruihhlo a lo hluar leh ta hle, hengte avang hian YMA Inkhawmpuilian chuan - Lungrual takin 'Ruihhlo Do' hi alo puang leh ta a ni. Ruihhlo avangin nu leh pa eng emaw zah an rum mek a, chhungkaw kehchhia leh thalai hmantlak loh kan ngah ta hle. Heng ho hi an khawngaihtlak em em a, YMA member-te chuan heng ho chhanchhuak tura ke kan pen hi alo tul leh ta a ni.

Ruihhlo ngaite hi hmangaihtlak nen khawng taka awmze nei a enkawl an nih chuan an la sim thei a ni. Ruihhlo la ti ngai lo ten an tih ve lohna atana venhim hna thawh hi a hlawk em em a, kan tleirawl leh rawlthar te ruihhlo laka an himna tana theihtawp kan chhuah hi a tul hle a, Kohhran te pawh kan tan ho pui a ngai a ni. Ruihhlo zuar te nen hian YMA chuan INDO a puang mek a ni. Ruihhlo avanga lo hausa kan hriat an awm anih chuan 'An sum leh pai tehi YMA chuan i it lo ngam ang u'. Ruihhlo zuar lui ngar ngar te hi YMA te hian kan hnam chhan nan kan dim bik tur a ni lo ang. Mahni vengchhung theuh ah, ruihhlo zuar ni a rinhlelh emaw zuar tih hriatchian te an lo awm a nih pheih chuan na taka zilh hi hreh lo ila, an sum leh pai hmanga sponsor leh engemaw YMA a thawh an tum pawh i laksak lo ngam ang u. Hetianga tihtak zeta kan beih chuan kan ram hi a lo tha leh anga, dikna in hmuna lo chang leh ang. Chutianga a nih theih nan chuan YMA member ten kan theihtawp i chhuah ang u" tiin YMA member kalkhawmte a fuih bawk a ni.

Pu Laldingliana Sailo, President, Ramhlun North YMA chuan lawmthu sawina hun a hmang a. CYMA President Pu R. Lalnggheta hi CEC atangin mi 17 in an rawn tawiawm.

CHAPCHAR KÛT AH KAN BRANCH IN CHERAW LEH KHUAL LAM ENTIR

Kumin Chapchar Kût lawmna pui ber ni 13.3.2026 (Zirtawpni) Lammual a neihah kan Branch atangin Cheraw leh Khual Lam mawi tak entir a ni. Pu K. Romawia chuan an zirna ei leh in tur a tum sak a, Cultural Sub-Committee-te chuana a chungah lawmthu an sawi bawk a ni.

Branch aiawhah lamte:

- | | | |
|---|------------------------------------|------------------------------------|
| 1. C. Lallawmzuali, K-Sec. | 11. Zothanmawii, C-Sec. | 20. Lalrinsanga, S-Sec. |
| 2. Rosalyn Vanlalrhiatpuui, V-Sec. | 12. Ramdinpuui, K-Sec. | 21. Christopher VL Nunfela, C-Sec. |
| 3. Ruthi Lalnunmawii, C-Sec. | 13. Selthuampuii, N-Sec. | 22. Moses Lalremruata, C-Sec. |
| 4. Christina VL Hmingthachuangi, K-Sec. | 14. Rebecca Malsawmtluangi, C-Sec. | 23. Hmingthasanga, K-Sec. |
| 5. Hannah Vanlalzari, K-Sec. | 15. B. Lalbiaksangi, S-Sec. | 24. Zothankhuma, K-Sec. |
| 6. Lalfaktluangi, K-Sec. | 16. Diana Lalmalsawmi, S-Sec. | 25. Lallianmawia, K-Sec. |
| 7. B. Vanlalhriati, V-Sec. | 17. H. Lalramhluna, C-Sec. | 26. David Lalnuntluanga, C-Sec. |
| 8. Vanlalpekhlui, N-Sec. | 18. C. Malsawmdawngkima, N-Sec. | 27. Joel Lalthanliana, C-Sec. |
| 9. J. Malsawmzuali, T-Sec. | 19. Lalnunsanga, C-Sec. | 28. D. Lianmanga, S-Sec. |
| 10. Lalhnehpuii, N-Sec. | | 29. Malsawmzuala Ralte, K-Sec. |



Ruihhlo sum i it lo ngam ang u

Ruihhlo hian kan hnam hi a tichhia a; kan thalaite nunna a laksak mai ni lovin, chhungkaw tam tak a pawt then mek a ni. Central YMA President, Pu R. Lalngeta'n Kumpulan 'Ruihhlo Do' hawanna inkhawma a thuchah, "Ruihhlo leh sum thianghlimlo avanga hausa ni a kan hriat te sum leh pai chu YMA chuan it lo ngam ang u" tih hi beng sika kan ngaihtuah a hun ta.

Khawtlang nun kan thlir hian, ruihhlo hmanga sum siamtu tam tak hian an sum neih hmangin khawtlangah mi tha leh mi thilphal nih an tum fo thin. Eng emaw thil sponsor nan leh khawtlang tana thawhhlawm ang hian sum an rawn chhung lut a, kan lo hnar phal lo a, kan lo laksak leh mai thin. He thil hi ruihhlo do kan hlawhchhamna chhan lian ber pakhat a ni. Ruihhlo zuarte sum kan it a, kan laksak a nih chuan a tawpah chuan an thil sual tih pawh kan sawi ngam loh phah thin.

Eng pawl pawh hian sum kan mamawh vek a, sum tello chuan hmasawn pawh a har. Mah se chu hmasawanna chu sum thianghlim lo hmanga ropui leh ngelnghet kan tumna a nih chuan, kan pawl zahawmna kan hlauh thung ang a, rin kan ni tawh ngai lo ang. Chutiang sum bawlhhlawh avanga ropui ai chuan, Hnam chhan nan retheih pawh i thlang zawk ang u. Pawl rethei deuh, mahse dikna leh hnam hmangaihna vanga ding tlat si kan nihna hian, sum tam tak aia hlu 'mipui rinna' min pe zawk dawn a ni.

Ruihhlo sum bawlhhlawh laka kan inthiarfihlim a, sum aia mihring nunna leh hnam hlutna kan dah pawimawh hmasak phawt chuan kan ram hian hmel thar a nei ngei ang. Kan hnam nun hrim hrimah dikna leh rinawmna hian hmun pawimawh a chan thar leh a hun ta tak zet. Sum leh pai avanga thil dik lo laka mit siai mai lovin, kan ram leh hnam tan dikna leh rinawmna vawng nung thar ila; chu chu kan hnam damna hnar a nih avangin, huaisen taka ke pen turin i inbuatsaih ang u.



KHAWTHLIR

HLA PHUAH THIAM, TUALCHEPI

Thu leh hla lama mi pawimawh ni ve thei tur, Tualchepi chanchin leh a hlate in hre ngai em? A hming hi Zoram chanchinbu engah mah a la lang ngai lova. Arts and Literature lamah hian chhinchhiah tlak a ni em em in ka hria a. A chanchin thamral mai tur hi uiawmin ka hria a. Chuvângin, thu leh hla lama Zohnahtlak ti hmasawntute'n in lo chhinchhiah ve a, tin mi tlawmngai te'n a chanchin research te neiin, fel taka record siam a chhinchhiah a nih ve chuan, literature lamah tlemte tal kan lo hausak phah a beisei awm.

Hla phuah thiam Tualchepi hi "Chhawntang Nu" a tih a ni thin. A hla phuah leh zai hi Chhawntang nu zai, Chhawntang nu hla, tih a ni bawk thin. Tunlai thangthar ho tan chuan, hmanlai mi a ni mai awm e. Tualchepi lar vanglai hi 1935 vel atânga 1945 chho vel kha a ni. Hla tam taka phuah a. A hla phuah leh sa thintute chu vawiin chuan an tlem tawh hle mai dawn a. Kan thu leh hla a tih hausakna hlu tak chu a thamral nasa mai tawh tih pawh a hriat theih a. Chung chu boral hlen lo tura rawn thur chhuak thei an awm chuan a lawmawm ngawt ang.

Amah hi Kanhmun (Thenzawl bul) khua-a piang a ni. A pa chu Pasaltha Kawlsata a ni a. Kanhmun 500 khua an la nih laia piang a ni awm e. Pasal a neih hnuah Zote-ah an kai chho va. Fa 5 lai a neih hnuah a pasal a sun a. Chumi atânga a lu sun lunglenna atâng chuan hla a phuah tan ta a ni. Zote atânga Kanhman khua panna kalkawng Zote dai hnuai mai feh kawngah chuan thingsemim a tla teuh mai a. Sava te pawhin thingsemim chu tlanin thingkungah chuan an lo hram chel chul a. Thingsemim chu feh kal lam leh hawng lamte pawhin an chhar reng a. A pasal tel tawh lova feh tura dai hnuai a chhuak thla chuan, thingsemim tlan a sava hram chel chul a han hmuh chuan – Lam kawiah thingsiri par lo tlan, Ka chhar dawn lo, zaiin ka pel mai dawn e; Ka di rim reng reng a nam lo ve. A han ti pawt a.

Chhawntangnu lunglenna Sangthing lenbuangah, Kulva reng nau lawm a chiar nghian e, te a ti ta zel a.

Chumi atâng chuan hla phuah chho zel a. A hla chu thlûk hran nei leh nei lo te pawh a pak chhuak ta zel a ni. A pasal a thih hnu kum tam vak lovah, a fapa tlangval tan tir Liankhuma chu, theihai kung sang vak lova a

lawn lai tla in, nikhaw hre lovin ni tlemte a awm hnuah a thi leh ta mai a. Liankhuma chu sikul naupang a nih ve avângin Kristian-a chhiar a ni ve avângin a thih chuan mitthi dar biak inah vuak a ni a. Liankhuma thih chuan ti hian a han ti a –

A ri tleng tleng Liando Darmang ni si lo,
A zia te puan ang a hril sual e, tiin.

Rualchhina pa, Pu Savawma inah tinzu mi panga lekin an in khawm a. Pu Savawma Almirahah chuan khawivah an rawn chawl a, thlar te pawh tha tak an siam a. Tualchepi thing phur hawng chu zu chhim turin an zuk ko va. Ani hah chhaw hal chu a lo lut a. "He Almirah a khuai chawl hi hla phuah kan tum a, kan thiam ngâng lo a ni. Chhawntangnu, nang han phuah teh," an ti a.

Rualchhinthangpa thingbang khar rûn in chhungah,

Vahkhuai leng an chawl e, zu nei ve;

Zu nei ve, Rualchhinthangpa thingbang khar rûn in chhungah,

Vah khuai leng an chawl e, zu nei ve, tiin uar fe fe in an au ta a ni.

Lungleiah Bomen-a SDO a nih lai hun te khan a lâ em em a. Zote atânga chhim lam leh Tlabung leh Tlawng thlang tlang dungah te an ko kualin leh zu in puin, tangka leh thilpek pawh a dawng nasa em em a ni.

Chhawntanga hi tûnah kum 80 vel zet niin Thenzawlah a la dam a. Tualchepi fa naupang pahni chuan pakhat Captain pension a ni a, a naupang zawk chun Jemadar pension hnuh kum 10 vel kal ta khan a thi a. Captain Chuanthanga erawh chu Aizawlah, Zemabawk vèlah khian a awm a ni.

A fate chuan an nu hla phuah lam chu sawi tur an nei kher lo ang. An la têt avângin leh a hun lai chuan a hlûtna engmah an hriat loh avângin. Khawvel mi, Kristian an nih hma-a zuhmun sahmun chen mi la dam an awm chuan tam tawk sawi thei pawh an la awm mai thei a ni. Khawvel mi niin Tualchepi hi a thi a ni. A fapa Liankhuma hnuai lam ho pawh hi thlai khaw hnuah Kristian an ni chauh.

A kimchang lo viau nangin keini thang leh thar zelte'n kan hriat reng atan ka it em a, ka rawn chhawp chhuak a ni e.

ADMISSION NOTICE (3-3)

Govt. Republic High School Ramthar Veng

March 9, 2026 atângin Class IX & X admission hawn a ni dawn a, holiday tel lovin ni tin dar 9:30 AM - 1:30 PM chhung hawn a ni ang.

Computer & puanthui a thlawna zirna a awm a, kal hmasa duhsak an ni ang.

Contact : 9862570546 / 8974025369

Editor: Vanengmawia (7085878827); Jt. Editors: A. Lalfakzuala, Lalrotluangi Zote, , Henry VL Nghilhlova Zote

Manager: Lalremsanga Hnamte (8974845644); Asst. Managers: Zodingliana, Lalrinchhana, Lalrinawma

News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte

Circulation Managers: PB Lalthuapzauva, Samuel Lahlupuia, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

ZIN & HAW

■ Pu Lalrochama, Branch Vice President chu a ni boral avangin Hnahlan ah a zin. Pu Laldinglana Sailo, Branch President, Pu Lalrinmawia, Ex-President leh Pu Tlangtimawia, Ex-President ten an tawiam.

■ Pi Zopari w/o Er.Bowman, T-Sec. in check-up a Kolkata a kal chu dam takin an lo haw leh ta.

■ NI. Rosaline Lallawmsangi d/o M. Vanramnghaki, T-Sec. chu a hnathawhna hmun Lawngtlai lamah a kal leh ta.

■ Raphael Rinhlupuii d/o Jeremiah L. Fanai, T-Sec. chu a zirna hmun Shimla ah a kal leh ta.

■ Tv. Vanlalhriata s/o Malsawmthara, K-Sec.chu a zirna hmun Bangalore lamah a kal leh ta.

■ Pu Lallura Zote, V-Sec.chu Delhi-ah in check-up turin a kal, a nupui leh a fanu ten an kalpui.

■ Pu F.Lalengkima, K-Sec. te chhungkua chu Guwahati-ah an zin.

■ Pu Malsawmthara, K-Sec. in check-up a Kolkata a kal chu dam takin a lo haw leh ta.

■ Pu H. Zothansanga, T-Sec.chu a hnathawhna hmun Saitual atangin chawlh hmangin a lo haw.

■ Pi Lalthasiami leh a tu te, N-Sec. te chu Churachanpur-ah a pa lungphunna hmanpui turin an zin.

■ Tv. Lalmuanawma s/o Kaphliri, C-Sec. chu a hnathawhna hmun Vanchengpui atangin a lo haw.

■ Dr. PC Lalawmpuia te chhungkua, V-Sec.chu an hnathawhna hmun Champhai atangin an lo haw.

■ Tv. Lalruatpuia s/o Laltanpuia, C-Sec.chu a hnathawhna hmun Mamit atangin a lo haw.

■ Dr. F. Lalhmingthanga te nupa, N-Sec. chu chhungkaw pawimawh buaipuiin Suangpuilawn ah an zin.

■ Pi Lalrempuii Zadeng te nufa, V-Sec. chu Vietnam-ah an zin.

■ Pu Lalthanfala te nupa, N-Sec. chhungkaw thil a Kel kang kal chu an lo haw leh ta.

KOHRAN

■ **Presbyterian Kohhran, Ramhlun North:** Presbyterian Kohhran, Ramhlun North, Tleirawl Pual Camping, chu ni 16-18 March 2026 chhung hian Agape Camping Centre, Durtlang ah neih a ni ang. Tleirawl pual anih angin tleirawl/rawlthar kum 13 atanga kum 20 inkar te tana buatsaih a ni a, Sacrament Dept. te chu luh vek tur a ni a, Senior dept zirlaite bakah, Intermediate Dept. Zirlai kum 13 tlingte leh puitling Sunday School a kal, kum 20 chin hnuailam a duh apiang tan luh theih tura ruahman a ni.

LEI PIAH LAMAH

Malsawmdawngliana, K-42 s/o Laltlanlana, V-Sec. chu 7.3.2026 dar 05:15 PM khan boral in lumen a ni a, a tuk ni 8.3.2026 chhun dar 12:00 ah Ramhlun North Thlanmual, Zemabawk ah vuiliam a ni.



Lusun khawhar chhungte thlamuantu Pathianin vengin awmpui zel che u rawh se.

DAMLO

■ Pi Lalrinkimi w/o Lalbiaktluanga Kiangte, T-Sec.chu ZMCH ah a ban zai a ni.

■ Pi Lalringi w/o Chawngpianga (Fam), V-Sec.chu natna hrang hrang avangin LRM Hospital-ah enkawl mek a ni.

■ Pu Lalhualhima, T-Sec. chu natna hrang hrang avangin Aizawl Hospital-ah enkawl mek a ni.

■ Pu H. Vanlalhruaia N-Sec. chu Lung (Heart) lam natna avangin LRM Hospital enkawl mek a ni.

■ Pu Lahnema, S-Sec. chu taksa chak loh na hrang hrang avangin Nazareth Hospital-ah enkawl mek a ni.

PAWL DANG

■ **Ramhlun North Football Club:** U-10 & U-12 Football Tournament neih zawk tak ah sponsor tu heng mite chungah hian lawmthu kan sawi a.

1. MS Garage
2. Tlaizawng sports
3. Ethan Go- Mobile
4. Martin collection
5. DAFASAKIM

Heng bakah RSC field phal taka min hman tir tur RSC hruaitu te leh YMA Tlangauna in min hman tir tu RNYMA te chungah lawmthu kan sawi e.

■ **Ramhlun North Cricket Club:**Cricket Association of Mizoram buatsaih KALKI Under-12 Open Cricket Tournament 2026 khelh mekah Ramhlun North Cricket Club Under-12 te chu Semi Final-ah Sihhmui Under-12 te lakah an vanduai.

GILGAL ACADEMY FALKLAND, AIZAWL (2-1)

ADMISSION OPEN

Kum 2026- 2027 Session atan Class IX - XII (Arts & Science) Admission kan hawng mek e. Class – 9 zir tur tan Free Admission hawn mek a ni e.

Hostel nuam leh changtlung tak kan nei bawk a, Study Tour pawh neih pui thin an ni. Zirtirtu thiam leh experience nei tha tak takte zirtirna hnuai ah hian I fate rawn admit ve rawh le.

Contact: 9064481643/ 8119832954
Instagram: gilgalacademy

KEIMAHNI

■ Pu P. Malsawma te nupa, C-Sec. chuan an inneih kum 50-na (Golden Jubilee) ah Maryma Editorial Board-te min sawm a, an chungah kan lawm hle.

THILDANG

■ Marvin Lalmuanzauva Kawlni (thla2 leh a chanve) s/o Lalmuanpuia Kawlni, K-Sec. chu ni 11.3.2026 7 :25 pm khan a boral a, hemi zan dar 9:30 khan Ramhlun North Thlanmual hlui ah vui a ni.

■ Mistiri Association, Ramhlun North te chuan nizan khan vengchhungah chem tat hriam in sumtuak hnatlang an nei. Tun thla ni 23.3.2026 hian an chhunzawm leh ang.

LAWMAWM

■ NI. Lalduhzuali d/o Dr Robert Rualthankhuma, C-Sec. LLB DU, New Delhi a zir chu Supreme Court of India ah internship ti tura thlan a ni.

■ Lalnuntluangi d/o Liantluanga Colney, V-Sec. leh Vanlalawmpuia, Kel kang te chu ni 12.03.2026 khan Kel kang Presbyterian Kohhran Biakin ah an innei.

■ Chawngzikpuii d/o C. Lalnunmawia, V-Sec. leh S. Vanlalruata, Luangmual te chu ni 12.03.2026 khan BCM Kohhran, Luangmual ah an innei.

BLOSSOM ATELIER PRE SCHOOL & DAY CARE

Naupang kum 2-5 inkar tana zirna in hmun him leh nuam. Play area changtlung tak awmna hmun ah, kum 2026 session atan ADMISSION a tih theih e. Pre School experience kum tam tak nei enkawl na hnuai ah in fate hmangaih leh duat takin, zirna tha nen kan lo enkawl sak ang che u.

School uniform T-Shirt a thlawn in an dawng bawk ang.

Learn, Play and Grow with us

Contact-7630079091 (3-1)

Location- Zarkawt Greyhound Building



PINECREST ACADEMY (CBSE)

Under Podar Curriculum Consultancy

ADMISSION OPEN 2026
Confident Readers Begin Here at Pinecrest Academy!

"Strong Readers Begin at Age 4"
CAPTION :
At Pinecrest Academy, we build strong foundations from day one.
• Structured Early Language Learning – Phonics & reading introduced from age 4
• English & Hindi Foundations – Children gain confidence in both languages
• Activity-Based Learning – No heavy textbooks, just fun, effective engagement
• Safe & Consistent Environment – A sanctuary where children thrive
• Individual Attention – Every child's growth is measurable and celebrated

Prospectus and Admission Forms Available at the School Office



Parents who value long-term learning and strong foundations trust us to guide their children.

Limited LKG Seats – Admit your child Today!
☎ : 9862498006 / 7005179903 / 96122 28475

ARTICLE

Ei zo vek duh hmêl!

- Chris MS Dawngkima

Rev. Lalhmangaiha chuan Bangalore lama an B.D. zirlai chanchin hetiang hian a sawi: "Zâwng rual hi an nghalin chokaa chawhmeh bêlte khawih an chîng a, Mizo awm vete chuan kan ning thîn hle. Chawlh a lo hun a, vaiho chu an khaw lamah an hâw darh ta vek a. Mizo leh Naga la châm bângte chuan inrawt khâwmin, 'Zâwng sa ei ang âw,' tiin man kan tum ta a. Mahse zâwng pakhat mah an rawn lang duh dêr lo; kan hmuh chhun pawh an ti em em vek mai a. Ei zo vek duh hmêl hi chu ransate takngial pawhin an lo hre hrang vek a ni," a ti!

"Tin, Lalpa Pathian chuan mihring chu a hruai a, Eden huanah chuan a enkawl leh a vêng tûrin a dah ta a," (Gen. 2:15) tih ziak a nih laiin mihring duhâmna, chin lêm nei lo chuan chawh buaiin, vên him ahnêkin a ticherezo to ta vek zâwk niin a lang! Thil nung tinrêngte inmamawh tawn thu kan zir thîn a, mahse mihringte hi thâwklehkhatah bo ta vek ila khawvêl hi engtin nge a awm tâk ang le? A vêng him tûra ruatte tel lo hian a dam khawchhuak zo ang em?

Hei hi a chhâna kan neih chu a ni: Kan khâwl ropui takte hi a enkawltu tel lovin hun eng emaw ti chhûng chu nungin, a ri chur chur ang a; motor leh rêl tlan lai te chu chesualin, thlawhtheihna te pawh a tui zawh rualin a tla alh zuai zuai ang. Khâwphetha pe chhuaktu khâwlte chu rei lo teah a tâwp ang a, khawpuite a lo thim tan tawh ang. Ni eng emaw ti chhûng chu kan sùlhnu hnutchhiahte chuan chhiatna râphtlâk tak thlenin, Nuclear hmunpuite chu a sat lutuk avânga puakin, kâng mei nasa tak a chhuak bawh ang! Kan ran vulhte chuan nghâkhlel takin min lo thlîr ang a, hâw tûr erawh kan awm tawh lo vang!

Thla tam a liam hmâin khawlai a reh tlawk tlawk ang a, thlai hring ten tual châr leh kawthlêr te rawn bawhin, kawngpui lei khi kârahte chuan hnim te a rawn to tan tawh ang. Savâte chuan tlangnêl takin luah loh inte chu buzâwlah an hmang ang a; sakhi te, chinghnia te leh savawm te pawh zalên takin kawthlêrah an tla tawh ang. Lui tui tâwp tak ni thîn kha a ti bawlhhlawhtu ber an awm tâk loh avângin thianghlim takin a luang her her ang a, mei khu zâm vêl avânga boruak bawlhhlawh thîn chu a lo thianghlim hle tawh ang. Kum tam a vei hmâin leirawhchan inte leh lei-dawh te pawh lo khi chatin a chim tan bawh ang. Ram ngâwte chuan huang zauhvîn, khawpui ramri khamte a rawn kân duai duai ang a, tuiquite pawh lo thianghlimin sanghâte chu a lêt za tam takin an lo pung tawh ang. Kum 100 a ral leh meuh chuan mihring sùlhnu tam zâwkte chu a bo tan tawh ang. *Zir chianna hmanga lo lang chu hei hi a ni:* Mihringte tel lo hian khawvêl hi a tlu chhe dâwn lo a ni mai lo va, a hliamte a dam ang a, kan tel lo hian a tlei hle zâwk dâwn tih hi!

Ramngâw thiatin thlalêr kan zauh va, khawlum hrehawm kan tuar tûk lawkah tui lian kan tuar a, khawpui kan zauh laiin tui hna erawh a kang chat zêl thung! Mi â lo chuan mahni in ban a kit ngai em ni? Kan ban rinawm - thing leh mau, nungcha tinrêngte humhalh tûr kan ni. A vêngtu hi a tichhetu ber kan nih zêl mai chuan huan neitu a lo kal hunah sawifiah tûr kan va ngah dâwn em!

**HOLY CHILD SCHOOL, RAMHLUN NORTH
OPEN ADMISSION FOR 2026-2027 (7-2)**

- Kum 2026-2027 session atan Holy Child School chuan Nursery to Class - X lut turte tan Admission a hawng leh ta a, lo ngaihven ve rawh le...
- Hmangaihna leh hriatthiamna thuk tak nen a naupang te hmasawn nghal tura enkawlina hmun tur a ni e.
- Hre Chiang duh tan a hnuai a phone number tarlan ah hian a zawhfiah theih reng e.



+919436154080
holychildschool143@gmail.com

ADVERTISEMENT

KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chung tan discount kan pe e.

Ph: 7005010327 / 9774223462 (10-9)

ADMISSION NOTICE (2-1)

Gov't DIET Practising School ah kum 2026-2027 session atan admission Nursery - Class VIII a tih theih reng e. Admission free, Mid-day meal, Zirlaibu leh School uniform a thlawn a pek thin an ni. Zirlaite sightseeing, kut themthiamna zirtir thin a ni a, picnic neihpui thin a ni bawh.

School kawtzawl zau tak naupangte infiamna hmuntur a nei bawh. Trained Teacher tha tak ten zirtirna an pekna hmuna hian i fate han luhtir ve rawh le. "Heng a hnuai a mite hnenah hian admission a tih theih reng e.

Ramhlun North : Zonunmawii - 7085846970
Lalhmingshingi-9436360246, Lalrammawia - 9862753609
Chaltlang: Lalsangpuii-7005705846,
Laltlinsangi - 9862404538, Zorammuani -9862322260

PUBLIC HIGHER SECONDARY SCHOOL
RAMHLUN VENGLAI, AIZAWL; MIZORAM

2026 (3-1)

ENROLL NOW

ADMISSION OPEN

FROM 10 AM - 1 PM

FOR CLASS XI & XII (ARTS)

SUBJECT OFFER:

- ENGLISH
- MIZO
- EDUCATION
- HISTORY
- POLITICAL SCIENCE
- ECONOMICS
- GEOGRAPHY

ONLY ADMISSION FEES
NO MONTHLY FEES

For more inquiry call
9436782551
9862598857

STAINES' MEMORIAL SCHOOL
Chanmari, Aizawl (2-1)

ADMISSION OPEN

From Class - IX to Class - XII
(Arts, Science & Commerce)

Application forms will be available
@ School Office

For more information, contact :
0389-2342261, 7005461509, 7005631048

BEHLIANG CHIN I UAR ANG U

- Sawrkar laipui ruahmanna angin behliang dal hi NAFED & NCCF -in Mizoram-ah Agriculture & Farmers Welfare Department kaltlangin kg khat cheng 80 in (behliang mu chang/ behliang dal) a lei dawn.
- Behliang hi a hring chauh ni lovin, a mu tih ro hi dal angin a ei theih.
- Kan ei thin Dal/Dailuah ai hian man to leh tha zawk a ni a, vai-ho pheih chuan an duh zawk a ni.
- Behliang hi thlai tuarchhel leh thlai kumhlun a ni a, kum 5 chung a rah a seng theih.
- A hnah a til zung zung a, huan-lo-ram lei a ti tha chak hle.
- Behliang hi Mizoram hmun hrang hrangah a tha duh em em a, buaipui manhla tak a ni.
- Hre Chiang duh chuan District tina Agriculture Office-ah zawh fiah theih a ni.

Issued by:

**Department of Agriculture & Farmers'
Welfare, Mizoram, Aizawl.**

SAWHTHING KARA NIHAWI CHIN PAWLH

- Sum lak luh tih pun nan Sawhthing karah Nihawi ching rawh.
- September/October thla tirah Nihawi chu Sawhthing bi karah chin mai tur a ni.
- Sawhthing kara Nihawi chin hian Sawhthing tâm tur eng emaw chen a veng thei.
- Nihawi hlim hi Sawhthing-in a ngeih hle a, an zung thlak chin a in chen loh avangin lei tha mamawh lak luh kawngah an inti buai lo.
- Nihawi nena chin pawlh hian Sawhthing buk a ti rit.
- Nihawi hriak sawr hmang hian mahni tel hman tur kan intodelh thei.

Issued by:

**Department of Agriculture &
Farmers' Welfare, Mizoram, Aizawl.**